

2017 йил .. 27 " март \_\_\_\_\_ №ПҚ-2855 - . \_\_\_\_\_ - \_\_\_\_\_ 20

**Ўзбекистон Республикаси Вазирлар Маҳкамаси ҳузурида  
Имом Бухорий халқаро илмий-тадқиқот марказини ташкил этиш  
чора-тадбирлари тўғрисида**

Буюк ватандошимиз, ҳадис илмининг султони Имом Бухорий ҳамда юртимиз ва мусулмон дунёсидан етишиб чикқан улуғ мутафаккир ва алломаларнинг бой мероси, уларнинг жаҳон цивилизацияси, илм-фан тараққиёти ривожига қўшган бебаҳо ҳиссасини чуқур тадқиқ этиш ва кенг тарғиб қилиш, ёш авлодни миллатлар ва динлараро багрикенглик, ўзаро хурмат, тинч-тотув ҳаётни қадрлаш ва мустаҳкамлаш руҳида тарбиялаш, шунингдек, халқаро микёсдаги маънавий-маърифий мулоқот ва ҳамкорликни кучайтириш мақсадида:

1. 2016 йилнинг октябрь ойида Тошкент шаҳрида ўтказилган Ислом ҳамкорлик ташкилоти Ташқи ишлар вазирлари кенгашининг 43-сессиясида Ўзбекистон Республикаси томонидан илгари сурилган ташаббус асосида Ўзбекистон Республикаси Вазирлар Маҳкамаси ҳузурида Имом Бухорий халқаро илмий-тадқиқот маркази (кейинги ўринларда Марказ деб аталади) давлат муассасаси шаклида ташкил этилсин.

2. Имом Бухорий халқаро илмий-тадқиқот марказининг асосий вазибалари этиб қуйидагилар белгилансин:

ҳадис илмининг ривожига бекиёс ҳисса қўшган ватандошимиз Имом Бухорий ва бошқа мутафаккирларнинг улкан илмий ва диний меросини ўрганиш, улар яратган асарларнинг илмий-изоҳли таржима ва киёсий матнларини нашр этиш орқали халқимиз ва жаҳон жамоатчилиги ўртасида кенг тарғиб қилиш, ушбу мавзуларга доир илмий тадқиқотларни тизимли ташкил этиш юзасидан чора-тадбирлар ишлаб чиқиш ва амалга ошириш;

ислом цивилизациясининг умуминсоний кадриятлар жумладан, халқимиз маъавияти ва маданияти ривожиди тутган ўрни ва аҳамиятини ўрганиш, уларнинг илмий-назарий ва амалий жиҳатларини тадқиқ этиш;

ҳозирги даврда жаҳонда юз бераётган глобаллашув жараёнида дунёда, минтака ва мамлакатимиз ҳаётида ислом динининг

инсонпарварлик моҳиятини, унинг маърифий-маданий ролини ва ривожланиш йўналишларини илмий асосда ўрганиш ва кенг жамоатчиликка етказиш;

мамлакатимизда ҳамда хорижий давлатларнинг кутубхоналари ва архив фондларида сақланаётган буюк алломаларимизнинг ижодий меросига оид ҳамда ислом дунёси учун муҳим илмий аҳамиятга эга бўлган қўлёзма, тошбосма асарларнинг электрон нусхаларини тўплаш ва уларни келажак авлодга етказиш учун тизимли илмий тадқиқотларни ташкил этиш юзасидан чора-тадбирларни белгилаш ва амалга ошириш;

ислом маданияти ва цивилизациясини илмий тадқиқ этиш соҳасидаги халқаро ҳамкорликни кучайтириш мақсадида илмий-назарий ва услубий масалаларга бағишланган турли анжуманлар -конференция, симпозиум, кўргазма ва илмий маърузалар, семинар-тренинглар, танловлар ва бошқа маданий-маърифий тадбирлар ташкил этиш;

ислом динига оид илмий тарихий-маданий ва маънавий-маърифий мерос салоҳиятини, шу жумладан, қўлёзмалар ва архив фондларида сақланаётган манбаларни ҳисобга олган ҳолда, чуқур ўрганиш ва тадқиқот натижалари юзасидан қомуслар, каталоглар, альбомлар, илмий-оммабоп ҳужжатли фильмлар, ахборот-ресурс базасини тайёрлаш ва оммавий ахборот воситалари, хусусан, Интернетда эълон қилишни ташкил қилиш;

Таълим, фан ва маданият масалалари бўйича ислом ташкилоти (ISESCO) ва мазкур соҳада хорижий давлатларда ташкил этилган марказлар билан ислом тарихи, фалсафаси, ҳуқуқи, манбашунослиги ва маданияти юзасидан илмий лойиҳалар, халқаро ҳамкорликдаги тадқиқотларни амалга ошириш ва унинг натижаларини нашр этиш;

ислом тарихи ва маданияти йўналишидаги янги тадқиқотлар натижаларидан илмий-маданий жамоатчиликни кенг хабардор этиш ҳамда уларнинг касбий маҳоратини ошириш бўйича илмий-амалий ва услубий ўқувлар ташкил этиш;

"жаҳолатга қарши - маърифат" ғояси асосида ислом динига нисбатан содир этилаётган асоссиз хуружларнинг олдиини олиш, шунингдек, диний ақидапарастлик, мутаассиблик, экстремизм,

миссионерлик, сохта тарикатлар ва жамоаларнинг мақсадлари, ғоявий-ақидавий негизлари, замонавий кўринишлари ва фаолият услубларини ўрганиш ва уларга қарши курашнинг илмий-маърифий асосларини ишлаб чиқиш ҳамда амалиётда қўллаш учун тавсия этиш.

3. Ўзбекистон Республикаси Вазирлар Маҳкамаси ҳузуридаги Имом Бухорий халқаро илмий-тадқиқот марказининг фаолиятини қўллаб-қувватлаш ва мувофиқлаштириш бўйича Васийлик кенгашининг таркиби иловага мувофиқ тасдиқлансин.

4. Белгилаб қўйилсинки:

Марказ директори Ўзбекистон Республикаси Вазирлар Маҳкамаси томонидан лавозимга тайинланади ва озод этилади;

Марказ фаолиятини қўллаб-қувватлаш ва мувофиқлаштириш бўйича Васийлик кенгаши Марказ фаолиятини мувофиқлаштиради, унга юкланган вазифаларни амалга оширишда кўмаклашади ҳамда Марказ фаолиятининг асосий йўналишларини белгилайди.

5. Ўзбекистон Республикаси Вазирлар Маҳкамаси бир ой муддатда:

Ўзбекистон Республикаси Вазирлар Маҳкамаси ҳузуридаги Имом Бухорий халқаро илмий-тадқиқот марказининг Низоми ва унинг тузилмасини тасдиқласин;

Марказ учун маъмурий бино ва турар-жой бинолари қуриш, зарур моддий-техник базаси ва инфратузилмаларини барпо этиш ҳамда ривожлантириш лойиҳаларини тасдиқлаш ва амалга ошириш бўйича тегишли чораларни кўрсин;

Марказга юқори малакали мутахассисларни жалб этиш бўйича ташкилий ишларни амалга оширсин.

6. Ўзбекистон Республикаси Молия вазирлиги Марказнинг штат жадвалини ишлаб чиқсин ва белгиланган тартибда тасдиқласин.

7. Марказнинг молиялаштириш манбалари этиб куйидагилар белгилансин:

Ўзбекистон Республикаси Давлат бюджетининг маблағлари;

Ислом ҳамкорлик ташкилотига аъзо давлатлардан тушадиган ихтиёрий бадаллар;

Ўзбекистон Республикаси ва хорижий мамлакатларнинг жисмоний ва юридик шахсларидан тушадиган ҳомийлик хайриялари;

муайян лойиҳа ва грантлардан ажратилган маблағлар.

8. Ўзбекистон Фанлар академияси, Олий ва ўрта махсус таълим вазирлиги, Ташқи ишлар вазирлиги хорижий тадқиқотчи ва изланувчилар учун Имом Бухорий номидаги халқаро стипендияни таъсис этиш билан боғлиқ чора-тадбирларни амалга оширсин. Белгилансинки, халқаро стипендияга номзодлар алломанинг ҳаёти, илмий мероси билан боғлиқ изланишларни амалга оширувчи тадқиқотчилар орасидан саралаб олинади. Имом Бухорий халқаро стипендияси совриндорларининг Ўзбекистондаги илмий изланишлари Марказ ҳомийлигида амалга оширилади.

9. 2022 йилнинг 1 январигача бўлган муддатга Марказнинг моддий-техник базасини мустаҳкамлаш мақсадида Ўзбекистон Республикаси Вазирлар Маҳкамаси томонидан тасдиқланадиган рўйхатлар асосида четдан келтириладиган товарлар (ишлар, хизматлар) божхона тўловларидан (божхона йиғимларидан ташқари), кўшилган қиймат солиғидан, давлат мақсадли жамғармаларига мажбурий ажратмалардан, шунингдек, Ўзбекистон Республикаси Молия вазирлиги ҳузуридаги Республика йўл жамғармасига йиғимлар тўлашдан озод этилсин.

10. Ўзбекистон Республикаси Ташқи ишлар вазирлиги: Марказ билан Таълим, фан ва маданият масалалари бўйича Ислом ташкилотига аъзо мамлакатлар ва бошқа давлатларнинг махсус муассасалари ўртасида халқаро ҳамкорликни ўрнатиш ва ривожлантириш чораларини кўрсин;

Олий ва ўрта махсус таълим вазирлиги, Марказнинг буюртмаларига биноан Марказни ташкил этиш, унинг фаолиятини ривожлантириш ҳамда ушбу муассаса томонидан келгусида ўтказиладиган тадбирлар (конференция, симпозиум, форум ва б.) доирасида иштирок этадиган хорижий мутахассисларга консуллик ва бошқа йиғимларни ундирмаган ҳолда кириш визаларини расмийлаштиришни таъминласин.

11. Ўзбекистон Республикаси Ички ишлар вазирлиги, Ўзбекистон Республикаси Олий ва ўрта махсус таълим вазирлигининг буюртмаларига биноан Марказни ташкил этиш, унинг фаолиятини

ривожлантириш ҳамда ушбу муассаса томонидан келгусида ўтказиладиган тадбирлар доирасида иштирок этадиган тегишли хорижий мутахассисларга кўп марталиқ визалар берилишини ва уларнинг муддати узайтирилишини, шунингдек, уларнинг Ўзбекистон Республикасида вақтинчалиқ яшаш жойида вақтинча рўйхатдан ўтказилишини ва вақтинча рўйхатдан ўтказиш муддати узайтирилишида давлат божларини ундирмасдан таъминласин.

12. Ўзбекистон Республикаси Олий ва ўрта махсус таълим вазирлиги Адлия вазирлиги ҳамда бошқа манфаатдор вазирликлар ва идоралар билан биргаликда бир ой муддатда конун ҳужжатларига ушбу қарордан келиб чиқадиган ўзгартириш ва қўшимчалар киритиш тўғрисида Вазирлар "Маҳкамасига таклифлар киритсин.

13. Ушбу қарорнинг ижросини назорат қилиш Ўзбекистон Республикаси Бош вазири А.Н.Арипов ва Ўзбекистон Республикаси Президентининг Давлат маслаҳатчиси Х.М.Султонов зиммаларига юклансин.

Ўзбекистон Республикаси  
Президенти  
Тошкент шаҳри

Ш.Мирзиёев

Ўзбекистон Республикаси  
Президенти



Ш. Мирзиёев

Тошкент шаҳри



Ўзбекистон Республикаси Президентининг  
2017 йил мартдаги қарорига  
ИЛОВА

Ўзбекистон Республикаси Вазирлар Маҳкамаси ҳузуридаги Имом Бухорий мий-тадқиқот  
Маркази тарқатилиши фаоллигини қўллаб-қувватлаш мувофиқлаштириш бўйича  
Васийлик кенгашининг ТАРКИБИ

А.Арипов	- Ўзбекистон Республикаси Бош вазири, Васийлик кенгаши раиси
Х.Султонов	- Ўзбекистон Республикаси Президентининг Давлат маслаҳатчиси
А.Раматов	- Ўзбекистон Республикаси Бош вазирининг биринчи ўринбосари
А.Камилов	- Ташқи ишлар вазири
М.Муратов	- Маданият вазири
Э.Ғаниев	- Ташқи иқтисодий алоқалар, инвестициялар ва савдо вазири
Р.Қасимов	- Олий ва ўрта махсус таълим вазири
Б.Ходжаев	- Молия вазири
М.Икрамов	- Адлия вазири
Г.Саидова	- Иқтисодиёт вазири
М.Тоҳирий	- Давлат Божхона қўмитаси раиси
Б.Закиров	- Давлат архитектура ва қурилиш қўмитаси раиси
О.Юсупов	- Вазирлар Маҳкамаси ҳузуридаги Дин ишлари бўйича қўмита раиси
Б.Йўлдошев	- Ўзбекистон Фанлар академияси президенти
Ҳ.Оқбўтаев	- Самарқанд вилояти ҳокими
Р.Абдуллаев	- Тошкент ислом университети ректори
Н.Қосимов	- Республика Маънавият тарғибот маркази директори в.в.б.
А.Маврулов	- Миллий ғоя ва мафқура илмий-амалий маркази директори

## А.Маврулов

19. Б.Абдуҳалимов - Ўзбекистон Фанлар академияси бўлим бошлиғи, кенгаш котиби

Изоҳ: Кенгаш аъзолари бошқа ишга ўтган тақдирда Кенгаш таркибига ушбу лавозимларга янгидан тайинланган шахслар ёки зиммасига тегишли функциячарни бажариши юқланган шахслар киритилади.